

Rapport "Roadmap to Preclearance" entrega na Secretario di Estado Teeven

Teeven "Mi ta impresiona di e rol cu Eman a hunga den e proceso aki"

Den Haag, ORANJESTAD - Rapport "Roadmap to Preclearance", ta un estudio di factibilidad a wordo entrega diaranson mainta na secretario di estado Teeven na Den Haag dor di Prome Minister di Aruba Mike Eman. Pre-

sente na e ocasion special aki tabata Minister Sevinger y e grupo di trabou conhunto cu a traha riba e rapport solido y extenso aki, entre nan e dos presidentenan Cedrick Tilma y Hans Gerritsen. Tambe tabata presente repre-

sentante di KLM Sra. Rintel y Brigade Generaal di Kon. Marechaussee Harry van den Brink. Tanto Hulanda como Aruba ta cla pa ehecuta e proposicionnan den e rapport. Prome Minister Eman a duna splicacion con a start cu e proyecto aki y kico tabata e pensamiento tras di un sistema di preclearance na Aruba pa paisnan den e region Schengen. Despues di e prome contacto mas di dos aña pasa cu Sra. Mulder di "Immigratie- en Naturalisatiedienst" (IND) a forma un grupo di trabou conhunto cu a traha diligentemente riba e proyecto aki.

Esaki ta un bunita ehempel di cooperacion den Reino. Cu e rapport "Roadmap to Preclearance" por sigui traha hunto pa con riba un manera innovativo amplia e fronteranan tanto literalmente como figurativamente. Hunto por haci e biahenan entre Aruba y Schiphol mas sigur y lihe. Secretario di Estado Teeven a ilustra un bes mas riba e importancia y balor adicio-



nal di Reino. "Mi ta masha impresiona di e rol cu Eman a hunga den e proceso aki", Teeven a bisa.

E proposicion ta pa instala un stuurgroep cu Prome Minister Eman como presidente pa mas lihe posibel bay over na implementacion di e proyecto preclearance cu ta algo unico den Europa y Reino. Aruba ta cuminsa caba cu instalacion di e sistema "Happy Flow".

Esaki ta encera cu na aeropuerto Reina Beatrix ta instala 4 gate dor di cual e pasahero ta pasa te yega na porta di avion. E sistema moderno cu ta maneha fronteranan y ta pone Aruba den un posicion superspecial, sigur pa loke ta e funcion di hub cu Aruba ta trahando riba dje. Cu e paso aki e pasahero ta yega su destino den un forma lihe y sigur. □

